

# DANIEL LÓPEZ VISPO

## "OS TRIBUNAIS DERON A RAZÓN A ADEGA E AOS VICIÑOS, ANULANDO A LICENCIA DE INCINERACIÓN DE PNEUMÁTICOS NO OURAL"

Daniel Vispo leva máis dunha década traballando sen descanso no ecoloxismo galego. O seu contacto con ADEGA ven de comezos dos pasados anos noventa, ao implicarse na resposta vecinal e ecoloxista a diversas agresións ambientais, salientando as loitas contra o encoro de Navia, polo saneamento do Miño e a calidade da auga potábel en Lugo, ou contra o paso da Autovía do Noroeste polo Val do Neira. Xunto con outras persoas, impulsou a organización e o medre de ADEGA en Lugo, foi Secretario Xeral de ADEGA (1999-2002) e actualmente é Vicepresidente.

- ADEGA-Lugo ven de acoller a XXIX Asemblea Xeral de ADEGA. Qué obxectivos tíñades nela?

- Cando a Directiva nacional nos fixo este ofrecemento, en ADEGA-Lugo aceptámolo gositosos, pois íanmos permitir resaltar ainda mais os problemas ambientais urxentes nos que estamos a traballar: o saneamento do Miño, a denuncia do proxecto de encoro de Narla, a compostaxe, a incineración de pneumáticos, etc.

Tamén nos ia servir para impulsar a consolidación e presencia de Adega-LUGO. Penso que se cumplirán os obxectivos.

- Propónse o encoro do Narla para dar auga potábel a Lugo. Porqué se opón ADEGA a este encoro?

- Non discutimos que a auga de Lugo necesite ser mellorada; ao contrario, pensamos que é manifestamente mellorábel. Pero esta mellora ten que pasar polo saneamento integral do Miño. Ningunha xustificación pode haber para que, apenas a 70 quilómetros do nacemento, o Miño non nos poda ofrecer unha auga potabilizada de máxima calidade. O encoro do Narla, con case 40 metros de altura, causará graves e irreversíbeis impactos nun espazo proposto para a futura Rede Natura. Ademais é absolutamente innecesario, e non garante nen máis nen mellor auga que a que ofrece o Miño.

- ADEGA-Lugo tamén está a impulsar a loita contra as minicentrais noutras partes de Galiza

- Entendemos que esta é a mellor forma de denunciar o impacto ambiental (e ainxustiza) de todos estes proxectos, destacando que non se trata do impacto sobre un río aillado, senón que todos están sendo innecesariamente afectados. Despois de termos sacrificados os nosos mellores vales con grandes encoros, non pode haber razóns nen é de xustiza que agora teñamos que sacrificar o que queda

de mellor conservado dos nosos ríos: as súas cabeceiras. Temos que perseverar nesta loita, e non tardaremos en gañala, como o demostra a batalla gañada agora ao Ministerio de Obras Públicas e ás empresas eléctricas no caso do encoro de Navia: unha recente sentenza ven de dar a razón á Coordenadora contra o Encoro, ao requerir a tramitación dunha avaliacián de impacto ambiental.


esterilización en autoclave teñen demostrado sobrada eficiencia. En canto á incineración de pneumáticos na fábrica de Cementos do Oural, o Tribunal do Contencioso Administrativo de Lugo ven de darnos a razón, a nós a aos viciños, anulando a licencia de incineración concedida polo anterior alcalde, Claudio Garrido, do PSOE.

- Qué está a pasar co proxecto de compostaxe para Lugo acordado polo anterior goberno municipal?

- Foi unha das reivindicacións prioritarias de Adega-Lugo, e logramos que a anterior Consellería de Medio Ambiente botara a andar o proxecto de compostaxe, estando xa axudicada a construcción da planta antes das últimas eleccións. Na actualidade, o proxecto parece avanzar mui pouco, pero estamos seguros que non ten volta atrás. Niso estamos a traballar nós e muitas das asociacións de viciños de Lugo.

- Como avalías en xeral a situación de ADEGA e do ecoloxismo galego?

- Con motivo da catástrofe do Prestige, os compañeiros e compañeras de ADEGA demostraron uns coñecementos e unha capacidade organizativa e de mobilización amplamente recoñecida. Viñamos medrando e reforzamos ese medre. Agora ben, nunca seremos de máis: compre seguir medrando en recursos humanos, en recursos económicos e en eficiencia organizativa. Outro tanto cabe dizer do resto do ecoloxismo galego. Por outra banda, agora que parecen xa superadas discrepancias (moitas veces más persoais que reais) de décadas pasadas, eu vería moi útil que empezáramos por superar o excesivo minifundio do ecoloxismo activo en Galiza. Frente aos moitos e duros os retos que nos esperan, estaremos mellor defendidos se somos máis e ben organizados.



- ADEGA-Lugo ven de ter un éxito contra a incineración en Becerrea e en Oural, non?

- Grazas á implicación entusiasta de veciños e veciñas da vila, conseguimos que os promotores, -a pesares de contar co apoio do concello e a indefinición inicial do PSOE-, acabasen por renunciar ao seu proxecto de ubicar en Becerrea catro fornos incineradores para queimar residuos sanitarios e perigosos, con nulas garantías sanitarias e de salubridade. A incineración deste tipo de residuos de ningunha maneira pode ser xustificada. Tecnoloxías como a